

Kalesija, 30.01.2008. godine
Broj: 41/08

ZAKLJUČCI
SA SJEDNICE PREDSJEDNIŠTVA
SAVEZA OPĆINA I GRADOVA F BiH

U Kalesiji je dana 30.01.2008. godine održana Šesta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je **9** članova, i to:

1. **Rasim Omerović**, načelnik Općine Kalesija,
2. **Vlado Alilović**, načelnik Općine Vitez,
3. **Jasmin Emrić**, načelnik Općine Bužim,
4. **Izet Bašić**, načelnik Općine Zavidovići,
5. **Zdravko Prka**, načelnik Općine Tomislavgrad,
6. **Amer Čenanović**, načelnik Općine Ilidža,
7. **Emir Bubalo**, načelnik Općine Konjic,
8. **Enver Adžem**, po ovlaštenju načelnika Općine Goražde, i
9. **Gabrijela Martinović**, po ovlaštenju načelnika Općine Orašje.

Pored gore navedenih, sjednici su prisustvovali i: g-din **Nermin Ogršević**, načelnik Općine Cazin i Predsjednik Nadzornog odbora, g-din **Jasmin Imamović**, načelnik Općine Tuzla, g-din **Mehmed Mustabašić**, načelnik Općine Maglaj, g-din **Mensur Jašarspahić-Suri**, načelnik Općine Kakanj, g-din **Hamdija Ljubijankić**, savjetnik načelnika Općine Cazin, gđa **Vesna Travljanin**, Sekretar Saveza, gđa **Zlata Turkić**, saradnik za rad sa komisijama, gđa **Elvira Imširović-Bolić**, viši saradnik za pravna pitanja, gđica **Šejla Hasić**, viši saradnik za projekte, g-din **Edin Demirović**, saradnik za lokalnu samoupravu i g-din **Amir Kupusija**, saradnik za odnose sa javnošću.

Nakon konstatacije da predsjednik i zamjenik nisu prisutni današnjoj sjednici, jednoglasno se usvaja da današnjom sjednicom predsjedava g-din **Vlado Alilović**.

Nakon glasanja jednoglasno se usvaja slijedeći

D N E V N I R E D

1. Zapisnik i zaključci sa Pete sjednice Predsjedništva Skupštine Saveza općina i gradova Federacije BiH
2. Izvještaj o ostvarenju Budžeta Saveza općina i gradova FBIH za 2007. godinu sa nalazom i preporukama Nadzornog odbora, te donošenje Odluke o izvršenju budžeta za 2007. godinu
3. Prijedlog Budžeta Saveza za 2008. godinu

4. Prijedlog odluke o visini članskog doprinosa za finansiranje aktivnosti Saveza općina i gradova Federacije BiH
5. Izvještaj sa održanih sjednica skupštinskih komisija i zauzimanje stavova Predsjedništva Skupštine Saveza u vezi sa zakonima u proceduri:
 - a) Komisija za razvoj i unapređenje lokalne samouprave
 - Zakon o pravima izabраниh dužnosnika, nosilaca izvršnih funkcija i savjetnika u institucijama vlasti Federacije BiH (u smislu regulisanja statusa načelnika)
 - Zakon o izboru, prestanku mandata, opozivu i zamjeni načelnika općina u FBiH
 Izvjestilac: Mehmed Mustabašić – načelnik Općine Maglaj
 - b) Komisija za ustavna i zakonodavna pitanja
 - Zakon o pravima izabраниh dužnosnika, nosilaca izvršnih funkcija i savjetnika u institucijama vlasti Federacije BiH (u smislu regulisanja statusa načelnika)
 - Zakon o izboru, prestanku mandata, opozivu i zamjeni načelnika općina u FBiH
 - Prednacrt zakona o državnim službenicima u organima državne službe u Federaciji Bosne i Hercegovine
 Izvjestilac: Jasmin Imamović – načelnik Općine Tuzla
 - c) Komisija za ekonomski razvoj općina i gradova
 - Nacrt zakona o poticajima za razvoj područja posebne zaštite u FBiH
 Izvjestilac: Jasmin Emrić – načelnik Općine Bužim
 - d) Komisija za prostorno uređenje, stambeno-komunalne djelatnosti i zaštitu životnog okoliša
 - Nacrt zakona o premjeru i katastru
 - Inicijativa za izmjenu Zakona o građevinskom zemljištu i Zakona o eksproprijaciji
 Izvjestilac: Mensur Jašarspahić Suri – načelnik Općine Kakanj
6. Izvještaj o aktivnostima vezanim za osnivanje Centra za edukaciju službenika organa javne uprave
7. Kadrovska pitanja Saveza (prijem u radni odnos na osnovu raspisanog konkursa)
8. Tekuća pitanja

Prelazi se na razmatranje pojedinih tačaka Dnevnog reda.

1. Zapisnik i zaključci sa Pete sjednice Predsjedništva Skupštine Saveza općina i gradova Federacije BiH

Zapisnik i zaključci se jednoglasno usvajaju.

2. Izvještaj o ostvarenju Budžeta Saveza općina i gradova FBiH za 2007. godinu sa nalazom i preporukama Nadzornog odbora, te donošenje Odluke o izvršenju budžeta za 2007. godinu

Gđa Vesna Travljanin obrazlaže Izvještaj o ostvarenju Budžeta Saveza općina i gradova FBiH za 2007. godinu sa nalazom i preporukama Nadzornog odbora.

Predsjednik otvara diskusiju.

G-din Nermin Ogršević kao predsjednik Nadzornog odbora izvještava o održanoj sjednici u Cazinu. Sugestija Nadzornog odbora je da se poštuje usvojeni plan bužeta i ako dođe do probijanja, da se radi reblans. Sugerira da se ozbiljno razmisli o načinu finansiranja Saveza jer

Savez treba da funkcioniše. Sugerirše da se radi i polugodišnji izvještaj o finansijskom poslovanju.

Predsjedavajući ističe da se odavno već govori o novoj Odluci o finansiranju i danas će se danas o tome i razgovarati, te stavlja Izvještaj na glasanje.

Izvještaj se jednoglasno usvaja.

3. Prijedlog Budžeta Saveza za 2008. godinu

G-din Alilović daje riječ gđi Vesni Travljanin da pojasni Prijedlog Budžeta za 2008. godinu.

Gđa Travljanin daje objašnjenje da je ranije dostavljen Nacrt Budžeta, a da je sada podijeljen Prijedlog Budžeta u koji je uvršten Prijedlog Odluke o članskom doprinosu, te predlaže da se ova i slijedeća tačka razmatraju zajedno, a da se potom glasa.

Ovaj prijedlog se usvaja.

Gđa Travljanin daje obrazloženje Prijedloga Budžeta po stavkama te naglašava da je bitno da se Savez ne oslanja na donacije za aktivnosti, i ako bi se usvojio Nacrt po ranijoj odluci, Savez bi poslovao u minusu.

Nakon obrazloženja Prijedloga Budžeta Saveza, gđa Travljanin prelazi na slijedeću tačku.

4. Prijedlog odluke o visini članskog doprinosa za finansiranje aktivnosti Saveza općina i gradova Federacije BiH

Gđa Travljanin konstatuje da je na Skupštini u Gradačcu (21.03.2007. godine) predloženo da se uradi nova Odluka o članskom doprinosu kojim bi se općine podijelile u kategorije zavisno od visine budžeta. U Neumu, 08.12.2007. godine, na sjednici Predsjedništva dat je Prijedlog Odluke. Međutim, taj Prijedlog je odbijen s obzirom na to da Budžet za 2008. godinu još uvijek nije bio pripremljen. Uz to sugerisalo se da se od budžeta općina izuzmu grantovi na prihodovnoj strani i zaduženja općina. Tako da je Stručna služba uzimajući u obzir sugestije iz Neuma, poslala dopis općinama te pribavila budžete kako je to i predloženo, na osnovu kojih su se općine kategorisale u grupe.

G-din Alilović smatra da je dobro što su se rasčlanile donacije od članarina. Gledajući tabelu smatra da je došlo do greške kod Jablanice. Međutim, ostali članovi Predsjedništva smatraju da to nije greška u grupaciji i da je Jablanica u pravoj grupi. G-din Alilović konstatuje da se u Neumu i diskutovalo o oslobađanju nekih općina od plaćanja.

Gđa Travljanin konstatuje da se u Neumu govorilo o oslobađanju nekih općina od plaćanja članarine. Međutim, sve članice trebaju da plaćaju članarinu pa makar i simboličnu ali nikako da ih se oslobađa u potpunosti jer Savez mora da obezbijedi sredstva za svoj rad. Savez nije budžetska institucija.

G-din Enver se javlja za riječ. Smatra da Općina Goražde nije u pravoj kategoriji, odnosno da su prihodi općine manji, te traži da ova konstatacija uđe u zapisnik.

G-din Prka predlaže da se za pola godine napravi izvješće i da se prati dinamika punjenja proračuna ako se usvoji ova Odluka.

G-din Alilović smatra da ako općine žele jak Savez moraju obezbijediti sredstva za njihov rad. Predsjedništvo mora podržati Savez a da se korekcije mogu vršiti kasnije. Konstatuje da nijedan prijedlog Odluke nije najbolji, međutim da treba naći najpovoljniji način da se omoći rad Saveza.

G-din Bubalo smatra da osnovica treba biti ostvareni budžet iz 2007. godine.

G-din Imamović smatra da se u budžet treba uplanirati i organizovanje zajedničkih manifestacija tako što bi općine i gradovi u kojima se održavaju manifestacije snosile troškove. Uz to g-din Imamović postavlja i pitanje zastupljenosti centara kantona u Predsjedništvu Saveza. Smatra da bi se četiri općine koje su sjedište kantona a sada nisu u Predsjedništvu, trebali uključiti u Predsjedništvo.

G-din Emrić se javlja za riječ. Podržava odluku o članskom doprinosu jer je to osnov budžeta. Predlaže da se odluka usvoji i da se prati njena implementacija koja se može mijenjati. Ne podržava opciju da se općine oslobode članarina.

G-din Bašić podržava prijedlog g-dina Emrića i također smatra da se općine ne trebaju oslobađati članarine. Uz to dodaje da misli da je njegova općina u pogrešnoj grupi, te da bi trebala da plaća više nego što je to odlukom predviđeno.

G-din Čenanović također podržava usvajanje Prijedloga odluke. Konstatuje da je odluka u skladu sa dogovorom u Neumu, kao i dopis koji je poslan općinama.

G-din Omerović konstatuje da se greške mogu ispraviti ukoliko je došlo do istih.

G-din Alilović stavlja Prijedlog odluke na glasanje.

Prijedlog Odluke je jednoglasno usvojen.

G-din Alilović stavlja Prijedlog Budžeta za 2008. godinu na glasanje.

Prijedlog Budžeta je jednoglasno usvojen.

5. Izvještaj sa održanih sjednica skupštinskih komisija i zauzimanje stavova Predsjedništva Skupštine Saveza u vezi sa zakonima u proceduri:

Komisija za razvoj i unapređenje lokalne samouprave

Izvjestilac: Mehmed Mustabašić – načelnik Općine Maglaj

a. Zakon o pravima izabranih dužnosnika, nosilaca izvršnih funkcija i savjetnika u institucijama vlasti Federacije BiH (u smislu regulisanja statusa načelnika)

G-din Mustabašić izvještava članove Predsjedništva o održanoj sjednici Komisije. Naglašava da je Savez pripremio primjerke zakona za svaki kanton, osim Zeničko-dobojskog kantona koji nema ovog zakona te se u ovom kantonu primjenjuje zakon više instance. Jedan od zaključaka je da se formira radna grupa od šest članova od kojih će tri člana biti predstavnici Saveza te da se u izradi novog zakona o izboru načelnika općina u F BiH riješi status načelnika i predsjedavajućeg općinskog vijeća ako je profesionalac u smislu njihovih prava nakon isteka mandata i to analogno federalnom zakonu koji reguliše ovu oblast.

b. Zakon o izboru, prestanku mandata, opozivu i zamjeni načelnika općina u FBiH

Stav Komisije je da vijeće ne može smjenjivati načelnika jer ga to tijelo i ne bira. Dakle, načelnik se može smijeniti ili opozvati samo na način na koji je i izabran. G-din Mustabašić konstatuje da bi želio da iskoristi priliku da nešto više kaže kada se bude raspravljalo o Zakonu o državnim službenicima.

Gđa Travljanin predlaže da prije nego se usvoje inicijative i prijedlozi Komisija, g-din Imamović izvjesti o aktivnostima Komisije za ustavna i zakonodavna pitanja, pošto su i oni raspravljali o istim zakonima. Članovi Predsjedništva su saglasni sa ovim prijedlogom.

Komisija za ustavna i zakonodavna pitanja

Izvjestilac: Jasmin Imamović – načelnik Općine Tuzla

a. Zakon o pravima izabranih dužnosnika, nosilaca izvršnih funkcija i savjetnika u institucijama vlasti Federacije BiH (u smislu regulisanja statusa načelnika)

G-din Imamović izvještava članove Predsjedništva o sjednici Komisije, naglašavajući da je stav Komisije da prava koja izvorno pripadaju lokalnoj vlasti ne treba davati federalnim vlastima. Stav je da se hitno riješi pitanje prava načelnika. Činjenica je da su načelnik, predsjedavajući općinskog vijeća i zamjenici izabrani i imenovani funkcioneri. Na sjednici Komisije donesen je zaključak da Savez pošalje pismenu preporuku svim načelnicima i predsjedavajućim općinskih vijeća da se njihov status riješi na lokalnom nivou. Općina Vitez već ima ovakvu Odluku.

G-din Bašić konstatuje da je na kantonalnom sastanku općina, načelnici diskutovali upravo o ovom prijedlogu, te da se općinama uz pismenu preporuku pošalju i Odluke iz općina koje su to već uradile.

G-din Ogrješević podržava prijedlog i smatra da je dobro da Savez pošalje ovakvu preporuku, te da to treba regulisati što prije.

Jednoglasno je usvojeno da Stručna služba Saveza pošalje pismenu preporuku svim načelnicima i predsjedavajućim općinskih vijeća zajedno sa oglednim primjercima.

b. Zakon o izboru, prestanku mandata, opozivu i zamjeni načelnika općina u FBiH

Konstatovano je da je Federalno ministarstvo pravde poslalo upit Savezu da imenuje dva predstavnika koja će zajedno sa ministarstvom raditi na zakonu.

Jednoglasno je usvojeno da dva predstavnika Saveza u radnoj grupi budu g-din Jasmin Imamović i g-din Amer Čenanović.

Prednacrt zakona o državnim službenicima u organima državne službe u FBiH

Gđa Imširović-Bolić izvještava članove Predsjedništva da je na sjednici Predsjedništva u Goraždu formirana radna grupa koja je razmatrala izmjene zakona. Predsjedništvo je usvojilo zaključak da se ne ide sa velikim izmjenama zakona, te da se u zakon ubaci član koji će izuzeti lokalnu samoupravu iz zakona, a da se uporedo s tim pripremi zakon koji će regulisati status zaposlenih u općinama. Također, Predsjedništvo je zaključilo da općina u svojim kantonima održe sjednice. Do sada je Savez dobio zaključke samo sa sjednice održane u Zavidovićima. Pitanje je da li podržati mijenjanje odredaba zakona. Ne bi bilo dobro da se Savez ne oglasi.

G-din Imamović izvještava da je nedavno sa načelnikom Zenice, Premijerom, Ministrom pravde i Sekretarom vlade imao sastanak na kojem su raspravljali o mnogim pitanjima. Između ostalog izražen je interes od svih strana da surađuju sa Savezom. Načelnici su naglasili potrebu da se radi na više zakona koji su od interesa za lokalnu samoupravu te da se ti zakoni međusobno ne isključuju. Preporuka je da Savez napravi spisak zakona koji tretiraju lokalnu samoupravu te da se uputi pismo vladi Federacije i Federalnom ministarstvu pravde za zajednički sastanak.

G-din Alilović predlaže da se na listu stavi i Zakon o državnim službenicima.

G-din Mustabašić podržava ovaj prijedlog uz konstataciju da postoje problemi u zakonu. Smatra da su državni službenici previše zaštićeni. Naglašava da lokalna samouprava nije bila uključena u donošenje zakona. Lokalna samouprava treba da se tretira odvojeno, te je potrebno ugraditi takve odredbe u zakon.

G-din Ogrješević kao i g-din Bubalo podržavaju stavove kolega načelnika. G-din Ogrješević dodaje da je problem u procedurama koje nisu jasno definisane. Izražava želju da se i Cazin uključi u rješavanje ovih problema.

G-din Bašić izvještava da su zaključci sa sjednice koja se održala u Zavidovićima da se iz ovog zakona izuzmu općine, te da je potrebno formirati i zadužiti radnu grupu da radi na ovom zakonu. Naglašava da je to potrebno uraditi i za druge zakone koji su od interesa za lokalnu samoupravu.

G-din Omerović podržava ovakav zaključak i da imenovana radna grupa uradi amandmane a uporedo pripremi i novi zakon.

G-din Imamović sugeriše da se obrati pažnja i na status i naziv „pomoćnika načelnika“, tj. da se taj naziv izmjeni.

G-din Enver konstatuje da je malo razočaran sa dosadašnjom diskusijom, jer je prije ovog zakona, kao pomoćnik načelnika svašta proživljavao. Smatra da treba razgraničiti šta je samouprava a šta uprava.

G-din Prka konstatuje da su problemi sa kojima se susreću općine dosta slični.

G-din Emrić konstatuje da je očito iz diskusija da je ovo vrlo važan zakon, te je važno da svi uposleni državni službenici u općinama razumiju da načelnici žele uspostaviti mehanizam koji će biti u korist svih. Podržava formiranje radne grupe koja bi ušla u suštinu problema.

G-din Čenanović naglašava da zakon nije dobar. Procedure nisu riješene na najpovoljniji način i lokalna samouprava treba da se izuzme iz ovog zakona. To je stav svih općina Sarajevskog kantona.

Gđa Travljanin predlaže da Predsjedništvo formira ad hoc radno tijelo ili da nadležna komisija formira radnu grupu. Važno je da radna grupa izdvoji vrijeme kako bi se posvetila pažnja ovom zakonu.

G-din Bašić predlaže da u radnoj grupi budu g-din Selver Keleštura (Zenica), g-din Hajrudin Katardžić (Zavidovići), gđa Mediha Nuhbegović (Tuzla).

G-din Emrić predlaže da u radnoj grupi budu g-din Hamdija Ljubijankić (Cazin) i g-din Adžem Enver (Goražde).

G-din Prka podržava predložene članove radne grupe te predlaže da gđa Travljanin bude koordinator ove grupe te da po potrebi proširi radnu grupu.

G-din Imamović podržava ovaj prijedlog.

G-din Čenanović naglašava da se treba dobro pripremiti jer će se vjerovatno izmjenama i prijedlozima suportstaviti i sindikat i Agencija za državnu službu i vlada Federacije.

G-din Emrić se slaže i predlaže da gđa Travljanin razmotri sve okolnosti i sagleda šta je provodivo.

Jednoglasno je usvojeno da gđa Travljanin bude koordinator radne grupe, te da po potrebi proširi radnu grupu, a da radna grupa radi na amandmanima i prednacrtu novog zakona.

Komisija za ekonomski razvoj općina i gradova

Izvjestilac: Jasmin Emrić – načelnik Općine Bužim

a. Nacrt zakona o poticajima za razvoj područja posebne zaštite u FBiH

G-din Emrić izvještava članove Predsjedništva da je Komisija raspravljala o svim dostavljenim primjedbama iz općina. Komisija je donijela zaključak da se sve primjedbe dostave Federalnom ministarstvu za prostorno uređenje. Trenutno se čekaju odgovori od ministarstva. G-din Emrić naglašava da je Nacrt zakona u Prlamentu.

G-din Prka smatra da nema smisla da parlament donosi ovaj zakon.

G-din Imamović predlaže da se formira grupa za susrete koja bi bila sačinjena od načelnika svih općija, te da se zatraži sastanak sa Premijerom.

Gđa Travljanin podržava formiranje ovakve grupe.

Izvještaj je jednoglasno usvojen, te se zadužuje Sekretar Saveza da oformi grupu za susrete.

Komisija za prostorno uređenje, stambeno-komunalne djelatnosti i zaštitu životnog okoliša
Izvjestilac: Mensur Jašarspahić Suri – načelnik Općine Kakanj

a. Nacrt zakona o premjeru i katastru

G-din Jašarspahić izvještava članove Predsjedništva o održanom sastanku Komisije. Naglašava da je sastanak bio produktivan te da je bilo dosta učesnika. Zaključeno je da se radi na izmjeni Zakona jer je isti usvojen 1984 godine, te da je stanje u gruntu i katastrima drugačije. Kao primjer navodi član 96. Zakona, kao i činjenicu da se kantoni ne spominju u ovom Zakonu.

G-din Prka konstatuje da su g-din Emrić i on inženjeri geodezije, te da se razumiju u ovu problematiku. Bit ovog zakona je pitanje prostora i evidencija prostora. Naglašava da se pravno sve izmjenilo, te da se sada uvodi institucija ovlaštenog geodete, slično javnom notar, a da trenutno taj posao obavljaju katastri. Građani moraju imati kvalitetnu uslugu. Postavlja se pitanje gdje će biti ovi katastri. Postoje opcije da katastri ostanu pri općinama ali da se i izmjestu u kantone. Ovaj zakon je jako bitan i njemu se treba posvetiti pažnja.

G-din Imamović konstatuje da je on radio na uspostavi tog zakona početkom osamdesetih godina, te da se za primjer uzeo austrijski zakon. Naglašava da je potrebno objediniti evidenciju i nikako pustiti da katastri odu iz općina na kantonalni nivo.

G-din Bašić podržava ovakvo stajalište.

G-din Emrić konstatuje da su g-din Prka i on javno izjavili da ovaj zakon nije dobar. Tada Savez nije bio u stanju da reaguje. Predlaže da se uključe nadležne službe općina na izradi ovog zakona. Naglašava potrebu kreiranja pravilnika. G-din Emrić smatra da kantonalne uprave nisu spremne za preuzimanje ovih poslova. Predlaže da Savez formira radnu grupu kako bi se našlo kompromisno rješenje i kako bi se razmotrile sve primjedbe općina. Predlaže da se nakon radne grupe održi tematska sjednica Predsjedništva. Smatra da je jako bitno da se predstavnici Saveza pojave u Parlamentu sa jasnim stajalištem. Uz to predlaže kao člana radne grupe g-dina Imamovića koji je upoznat sa tematikom, i da se g-din Imamović pozove i na tematsku sjednicu Predsjedništva.

G-din Alilović predlaže da se radnoj grupi pridruže i g-din Emrić i g-din Prka.

G-din Bubalo podržava predhodne prijedloge i stajališta.

Izvještaj i prijedlozi su jednoglasno usvojeni sa članovima svim predloženim članovima radne grupe, te se zadužuje Sekretar Saveza da po potrebi proširi radnu grupu.

b. Inicijativa za izmjenu Zakona o građevinskom zemljištu i Zakona o eksproprijaciji

G-din Jašarspahić izvještava članove Predsjedništva o zaključcima Komisije o inicijativi izmjene zakona. Konstatuje da postoje problemi u zakonima. Komisija je imenovala radnu grupu koja će raditi na izmjenama ovih zakona. Članovi grupe su gđa Zumra Akšamija (Općina Novo Sarajevo), gđa Lejla Cerić (Općina Stari Grad), g-din Nurčo Kurtović (Općina Kakanj), g-din Munib Alibegović (Općina Visoko) i g-din Željko Josić (Općina Domaljevac-Šamac).

G-din Ogrješević iznosi problem u općinama Unsko-sanskog kantona, te presude kantonalnog suda protiv Općine Cazin i Općine Bihać, te traži pomoć Saveza.

Izvještaj i prijedlozi su jednoglasno usvojeni.

6. Izvještaj o aktivnostima vezanim za osnivanje Centra za edukaciju službenika organa javne uprave

Gđa Travljanin obavještava Predsjedništvo da za ovu tačku Dnevnog reda nema izvjestioca, te pošto je ova tačka dnevnog reda bitna da se odgodi za slijedeću sjednicu s tim da se članovi Predsjedništva izjasne oko savjetodavnog odbora u kojem bi trebali biti Federalno ministarstvo pravde, Grad Mostar, Christian Heinzl – UNDP i Vesna Travljanin – Savez općina i gradova F BiH.

Prijedlog članova savjetodavne komisije je jednoglasno usvojen.

7. Kadrovska pitanja Saveza (prijem u radni odnos na osnovu raspisanog konkursa)

Gđa Travljanin obavještava Predsjedništvo o objavljenom konkursu za radno mjesto Asistenta za lokalnu samoupravu/amministrativni asistent. Konstatuje da se na poziciju prijavio Edin Demirović koji je odradio pripravnčki staž na ovoj poziciji, te predlaže da se g-din Demirović primi u stalni radni odnos.

Odluka o davanju saglasnosti Sekretaru Saveza za donošenje Odluke o prijemu u radni odnos na neodređeno vrijeme na osnovu raspisanog konkursa je jednoglasno usvojena.

8. Tekuća pitanja

Gđa Travljanin izvještava članove Predsjedništva da je Stručna služba Saveza primila pismenu inicijativu iz Općine Cazin za organizaciju Sajma Općina i Gradova, te daje riječ načelniku Cazina, g-dinu Nerminu Ogrševiću.

G-din Ogršević konstatuje da je Općina Cazin spremna da organizuje jedan ovakav sajam, te da ima sve potrebne kapacitete za njegovu organizaciju.

Jednoglasno je usvojena Inicijativa Općine Cazin za organizaciju sajma općina i gradova. Nakon izjašnjavanja općina o inicijativi donijeće se konačna odluka.

Nakon konstatovanja da su sve tačke Dnevnog reda iscrpljene, sjednica je završena u 17:15 sati.

Predsjednik Predsjedništva
Ljubo Bešlić, s.r.